



Til
Inatsisartunut ilaasortaq
Randi Vestergaard Evaldsen
Demokraatit

30. januar 2017

**Tasiilamut ikiorsiissuteqarnissaq pillugu § 37 naapertorlugu apeqqutip nr. 38-ip
akineqarnera**

Asasara Randi

Tasiilaaq ikiorniarlugu qanoq iliorsinnaanitsinnut apeqqutinut qujanaq.

Akissutigisakka ataani takuneqarsinnaapput.

- 1. Naalakkersuisut qanoq iliorpat aamma Naalakkersuisut qanoq iliorsinnaappat
Tasiilami ilaquttat allallu kalluarneqartut sakkortuumik misigisaqarsimasut
ikiorniarlugit? Pilersaaruteqartoqarpa imaluunniit
eqqarsaatigineqarsimanerluni immikkoortumi qanoq
suliniuteqartoqarsinnaasoq?**

Suliami pineqartumi suliaq Kommuneqarfik Sermersuup nammineerluni suliaraa.
Suliaq pillugu Kommuneqarfik Sermersuumik Isumaginninnermut, Ilaqutariinnut,
Naligiissitaanermut Inatsisinillu Atuutsitsinermut Naalakkersuisoqarfimmit
oqaloqatigineqartarpoq, naalakkersuisoqarfillu ikiuuteqataanissamat piareersimavoq
kommunip tamanna kissaatigissappagu.

Kommuneqarfik Sermersooq iliuusissatut pilersaarummik "Meeqqat Ilaqutariillu
Tasiilami 2016 – 2020 – Iliuuseqarnikkut ineriartortitsinissamat pilersaarut aamma
najukkami peqataatitsineq" qulequtserneqarsimasumik suliaqarnikuuvoq.

- 2. Naalakkersuisut iliuusissanut pilersaarutininik sunik peqarpat inuttut ajornartor-
siutitimaannaanngitsut maannakkut Tasiilami artorsartitsisut qulaarniarlugit?
(Iliuusissanut pilersaarutit naliginnaasumik nuna tamakkerlugu, ajornartorsiu-
tit pineqartut assingininik imallit)**

Naalakkersuisut Tasiilamut iliuusissatut pilersaarummik suliaqarnikuunngillat
Naalakkersuisoqarfilli ataasiakkaat Tasiilami suliaat suliniutaallu tamakkiisumik
Naalakkersuisunut saqqummiunneqartussanngorput taamaasillutillu
ilisimalernissaminnut tunngavissaqalissallutik.

Kommuneqarfik Sermersooq iliuusissatut pilersaarummik "Meeqqat Ilaqutariillu Ta-
siilami 2016 – 2020 – Iliuuseqarnikkut ineriartortitsinissamat pilersaarut aamma
najukkami peqataatitsineq" suliaqarnikuuvoq.

3. Naalackersuisut nalilernerlugu suliniutit pioreersut eqqarsaatigineqartullu naammattutajornartorsiutit aaqqineqarnissaannut imaluunniit pisariaqarpa ataqatigiissumik suliniuteqartoqarnissaa maannamut naleqqiullugu annertunerungaartumik? Taamaassimappat, suliaq aallartinneqassamaarpa?

Naalackersuisut Tasiilamut tunngatillugu makkuninnga ingerlareersunik suliniuteqarput:

- Tasiilami ilaqtariinnut inissiat qimarnuiullu pilersinneqarneranut/iluarsaasinermullu Naalackersuisut Kommuneqarfik Sermersuumut juni 2016-imi 2,6 mio kr-inik tapiissuteqarnissaminnut akuersissuteqarput.
- Tasiilami sullissinnermut ikiorsiineq pillugu Kommuneqarfik Sermersuumik Isumaginninnermut, Ilaqtariinnut, Naligiissitaanermut Inatsisinillu Atuutsitsinnermut Naalackersuisoqarfik qanimut oqaloqatiginnippoq.
- Angalasartut 2015 aamma 2016-imi Tasiilamiinnikuupput inersimasunik kinguaassiutitigut atonerlugaasimanerup kingunerisaanik kingunerlutsitsisunik katsorsaajatorlutik, ingerlatsinertillu naammassillugu.
- Tunumi Siunnersuinnermut ikiortitit holdinut ataatsinut ilinniartitsineq aprili 2017-imi aallartissaaq.
- Isumaginninnermut, Ilaqtariinnut, Naligiissitaanermut Inatsisinillu Atuutsitsinnermut Naalackersuisoqarfiup tapiissuteqartarnernik aaqqissuussineri naapertorlugit Tasiilami Meeqqanut Ilaqtariinnullu Sullissivik kiisalu isumaginninnermi tunngasuni iluarsartuullugit pilersaarusiit ingerlanneqarnissaat tapiissuteqarfigineqarput.
- Isumaginninnermut, Ilaqtariinnut, Naligiissitaanermut Inatsisinillu Atuutsitsinnermut Naalackersuisoqarfik 2015-imi Ilaqtariit ataatsimoortillugit oqaloqatiginneriaatsimik pikkorissarnernik ingerlatsivoq, 2017-illu ingerlanerani malitseqartitsilluni pikkorissarnissat pilersaarusiortugit.
- Isumaginninnermut, Ilaqtariinnut, Naligiissitaanermut Inatsisinillu Atuutsitsinnermut Naalackersuisoqarfik Pinaveersaartitsineq pillugu Qitiusumik Ataatsimiititaliap ataani Naalackersuisut Suliaqarfiit akimorlugit Ataqatigiissaarisooqatigiinni peqataavoq, tassanilu Tasiilaq illoqarfittut misileraaffiusussatut toqqarneqarpoq.

Suliniutissat pilersaarutaareersut pilersaarutillu ingerlareersut saniatigut Angalasartut inersimasunik meeraanerminni kinguaassiutitigut atonerlunneqarsimallutik kingunerlutsitsisunik katsorsaanissaat marts 2017-imi Tasiilami ingerlanneqartussa q nutaaq aallartissinnaajumallugu sulissutiginnittoqarpoq. Taamatut aamma meeqqanut inuusuttunullu kinguaassiutitigut atonerlugaasimasunut katsorsaanissap aallartinneqarsinnaanera sulissutigineqarpoq.

Tasiilami angutit ikorfartoqatigiiffianik pilersitsiniarluni Isumaginninnermut, Ilaqtariinnut, Naligiissitaanermut Inatsisinillu Atuutsitsinnermut Naalackersuisoqarfik Anda Poulsen suleqatigalugu suliaqarpoq. Matumani februaari 2017-imi Anda Poulsenip Tasiilamut aallarnissaa siunertaralugu.

Naalackersuisut naliliipput, isumaginninnermut tunngasunik, matumani ilanngullugu Tasiilaq, suliniuteqarnerup nukittorsarneqarnissaanut aallunneqarnissaanullu pisa-

riaqartitsisoqartoq. Tamannalu peqqutaavoq, 2017-imi aningaasanut inatsimmi isumaginninnermut aqutsisoqarfimmik pilersitsinnermut aningaasat immikkoortitsisoqar-
mat taannalu sulineq Isumaginninnermut, Ilaqutariinnut, Naligiissitaanermut Inatsi-
sinillu Atuutsitsinnermut Naalakkersuisoqarfimmit aallartinneqarpoq. Isumaginninner-
mut Aqutsisoqarfik inuiaqatigiinnut susassaqarfittut ataatsimoorfiulluni sullissivius-
saaq, kommuninut kommunillu sulianik sullissinerinut ikorfartuisuussalluni. Taamaa-
liortoqassaaq, meeqqanut inuusuttunullu tunngasut ilaatigut aaqqiissuteqarnermut
ilapittuuteqarnermik aamma isumaginninnermut tunngasut tamarmiusut iluanni
ineriartornermik siunnersuinermik piviusunngortitsinermillu isumaginninnermut
aqutsisoqarfiup suliaqarneratigut. Taamaalilluni isumaginninnermi aqutsisoqarfiup
isumaginninnermi sulianut periutsit suleriaatsillu sunniuteqarluartut, kommuninik
sulianut tunngasunik siunnersuinerit isumagineri, kommunit ingerlatsinerminni
suleriaasiat ikorfartussallugu tassanilu ineriartortitsineq ilaatigut ingerlatissavai
siammarterlugillu. Aammattaaq kommunini suliamik sullissisut sulinerat Naalakker-
suisut ingerlappaattaaq, taamaattumik meeqqanut inuusuttunullu tunngasuni kom-
munini sulianut sullissisut suliaannut kisitsit missingersuutaasoq pillugu nassuiaam-
mik suliaqartoqarpoq.

**4. Namminersorlutik Oqartussat, kommunit allallu taama pisoqartillugu suleqati-
gineqartartutakornanni suleqatigiittoqarnerluni?**

Aap, Naalakkersuisut Pinaveersaartitsineq pillugu Qitiusumik Ataatsimiititaliap ataa-
ni Suliaqarfiit akimorlugit Ataqatigiissaarisoaqatigiinnik pilersitsippot, Tasiilaq illoqar-
fittut misileraaffiusussatut toqqarneqarpoq. Tamatuma saniatigut Tasiilami suliniu-
tineqartut pillugit Isumaginninnermut, Ilaqutariinnut, Naligiissitaanermut Inatsisinillu
Atuutsitsinnermut Naalakkersuisoqarfik Kommuneqarfik Sermersuumik oqaloqatigin-
ninnerit ingerlappai.

**5. Naalakkersuisut isumarpat pisariaqartoq Tasiilami immikkut suliniuteqarto-
qassasoq?**

Aap, Naalakkersuisut isumaqarput Tasiilami immikkut suliniuteqarneq naleqquttu-
soq, tamannalu aamma peqqutaavoq, Isumaginninnermut, Ilaqutariinnut, Naligiissi-
taanermut Inatsisinillu Atuutsitsinnermut Naalakkersuisoqarfik Tasiilami suliniutinik ar-
lalinnik aallartitsimmat, takuuk apeqqut 3-mut akissuteqaat.

**6. Naalakkersuisut suliniut nukittorsarniarlugu periarfissat suut takusinnaavaa
taamma Naalakkersuisut tigussaasumik qanoq iliussamaarpat?**

Apeqqut 3-mut akissutigineqartut takukkit.

Inussiarnersumik Inuulluaqqusillunga


Sara Olsvig